

sérstakar ástæður séu fyrir hendi, svo sem að fært sé að beita heimild 2. málsg. 87 25. gr. laga um réttindi og skyldur starfsmanna ríkisins, til að leyfa starfsmanni að vinna $\frac{2}{3}$ starfstíma gegn samsvarandi launafrádrætti. 15. júní

Með sama hætti er rétt að veita manni lausn frá starfi vegna heilsubreysts, ef hann hefur verið frá vinnu vegna veikinda tvöfaldan þann tíma, er hann átti rétt til að halda launum í fjarveru sinni samkvæmt 1. mgr. 6. gr. Þetta gildir þó eigi, ef læknir vottar að líkur séu til fulls bata á næsta misseri, enda sé starfsmanni þá veitt lausn að liðnu því misseri, ef hann er þá enn óvinnufær.

Ekki skulu framangreindar reglur um veikindaforföll vera því til fyrirstöðu, að starfsmanni verði veitt lausn frá störfum vegna vanheilsu, er hann æskir þess, ef hann er samkvæmt læknisvottorði orðinn varanlega ófær um að gegna starfi vegna vanheilsu. Fer þá um greiðslu launa samkvæmt 1. mgr. 21. gr. laga um réttindi og skyldur starfsmanna ríkisins.

10. gr.

Halda skal skrá yfir veikindadaga opinberra starfsmanna við hverja stofnun. Ef starfsmaður flyzt milli starfa, skal leggja saman veikindadaga hans í báðum störfum, eftir því sem við á.

11. gr.

Vegna barnsburðar skal kona eiga rétt á að vera fjarverandi með fullum launum í samtals 90 daga. Séu lengri frátafir nauðsynlegar að dómi lækna, skal meta þær eftir ákvæðum um veikindadaga, sbr. 6. gr.

12. gr.

Reglugerð þessi, sem sett er samkvæmt lögum nr. 38 14. apríl 1954, um réttindi og skyldur starfsmanna ríkisins, öðlast gildi 1. júlí 1954, og falla þá jafnframt úr gildi eldri ákvæði, er brjóta kunna í bága við ákvæði hennar.

Fjármálaráðuneytið, 15. júní 1954.

Skúli Guðmundsson.

Sigtr. Klemenzson.

SKRÁ

um nöfn á nýbýlum og breytingar á bæjanöfnum.

88

16. júní

Í skrá þeirri, sem hér fer á eftir, og birt er samkvæmt 8. gr. laga nr. 35/1953, um bæjanöfn o. fl., eru talin nöfn býla, utan kaupstaða, sem hlotið hafa staðfestingu ráðuneytisins á árinu 1953.

1. Borgarfjarðarsýsla.

Galtarlækur, nýbýli úr landi Innri-Galtarvíkur í Skilmannahreppi.

Laugarholt, nýbýli úr landi Langholts í Andakilshreppi.

Býli þetta var vegna misritunar nefnt Laugarhóll í skrá í B-deild Stjórnartíðinda, 11. febr. 1952, um nöfn á nýbýlum og breytingar á bæjanöfnum.

Kópareykir II, nýbýli úr landi Kópareykja í Reykholtisdalshreppi.

Stóri-Lambhagi II, nýbýli úr landi Stóra-Lambhaga í Skilmannahreppi.

2. Dalasýsla.

Grund, nýbýli úr landi Litla-Geiradals í Fellstrandarhreppi.
Garður, nýbýli úr landi Sælingsdalstungu í Hvammsshreppi.

3. Strandasýsla.

Holt, nýbýli úr landi Bæjar í Bæjarhreppi.
Melar II, nýbýli úr landi Mela í Bæjarhreppi.
Melar III, nýbýli úr landi Mela í Bæjarhreppi.

4. Vestur-Húnavatnssýsla.

Bólstaður, nýbýli úr landi Ytri-Ánastaða í Kirkjuhvammshreppi.

5. Austur-Húnavatnssýsla.

Kaldakinn II, nýbýli úr landi Köldukinnar í Torfalækjarhreppi.

6. Skagafjarðarsýsla.

Gíslaug, býli úr landi Gils í Holtshreppi.
Hjallaland, nýbýli úr landi Hóls í Staðarhreppi.
Hjaltastaðir III, nýbýli úr landi Hjaltastaða I í Akrahreppi.
Hólavellir, nýtt nafn á nýbýlinu Hólar II í Holtshreppi.
Laufhóll, nýbýli úr landi Brimness í Viðvíkurhreppi.

7. Suður-Þingeyjarsýsla.

Grundargil, nýbýli úr landi Glaumbæjar í Reykjadalshreppi.
Klambrasel II, nýbýli úr landi Klambrasels í Aðaldælahreppi.
Laugavellir, nýbýli úr landi Stóru-Lauga í Reykdælahreppi.
Öndólfstaðir II, nýbýli úr landi Öndólfstaða (Öndottsstaða) í Reykdælahreppi.

8. Norður-Þingeyjarsýsla.

Ærlækjarsel II, nýbýli úr landi Ærlækjarsels og Hróarstaða í Öxarfjarðarhreppi.

9. Norður-Múlasýsla.

Hrafnkelsstaðir II, nýbýli úr landi Hrafnkelsstaða í Fljótsdalshreppi.
Mælivellir, nýbýli úr landi Hnefilsdals í Jökuldalshreppi.

10. Suður-Múlasýsla.

Bragðavellir II, nýbýli úr landi Bragðavalla í Geithellnahreppi.
Hvannabrekka, nýbýli úr landi Berufjarðar í Beruneshreppi.
Runná, nýbýli úr landi Gautavíkur og Fagrahvamms í Beruneshreppi.
Sauðhagi II, nýbýli úr landi Sauðhaga í Vallahreppi.

11. Austur-Skaftafellssýsla.

Hlíðarberg, nýbýli úr landi Rauðabergs (Raufarbergs) í Mýrahreppi.
Jaðar, nýbýli úr landi Kálfafellsstaðar í Borgarhafnarhreppi.
Reynivellir III, nýbýli úr landi Reynivalla I í Borgarhafnarhreppi.

12. Vestur-Skaftafellssýsla.

Fossar, nýbýli úr landi Arnardrangs í Kirkjubæjarhreppi.

13. Rangárvallasýsla.

88

16. júní

Hjarðarbrekka, nýbýli úr landi Lambhaga í Rangárvallahreppi.
Hlíðarból, nýbýli úr landi Kirkjulækjar í Fljótshlíðarhreppi.
Lambey, nýbýli úr landi Breiðabólstaðar í Fljótshlíðarhreppi.
Lynghagi, nýbýli úr landi Miðhúsa í Hvolhreppi.
Lækjarhvammur, nýtt nafn á jörðinni Norður-Búðarhólshjáleigu (Búðarhóls-norðurhjáleiga), Austur-Landeyjahreppi.
Lækjartún, nýtt nafn á jörðinni Kálfholtshjáleiga í Ásahreppi.
Skarðshlíð III, nýbýli úr landi Skarðshlíðar II og Bakkamýrar (eyðibýlis) í Austur-Eyjafjallahreppi.

14. Árnessýsla.

Bólstaður, Nýbýli úr landi Stóra-Hofs í Gnúpverjahreppi.
Hveratún, nýbýli úr landi Laugaráss í Biskupstungnahreppi.
Jaðar II, nýbýli úr landi Jaðars í Hrunamannahreppi.
Laxárdalur II, nýbýli úr landi Laxárdals í Gnúpverjahreppi.
Litli-Saurbær II, nýbýli úr landi Litla-Saurbæjar í Ölfushreppi.
Ljónsstaðir, nýbýli úr landi Haugakots í Sandvíkurhreppi.
Norðurbrún, nýbýli úr landi Fljótsholts í Biskupstungnahreppi.
Oddgeirshólar II, nýbýli úr landi Oddgeirshóla í Hraungerðishreppi.
Önundarholt II, nýbýli úr landi Önundarholts í Villingaholtshreppi.

Í menntamálaráðuneytinu, 16. júní 1954.

F. h. r.

Birgir Thorlacius.

Sigurður J. Briem.

Staðfesting á skipulagsskrá fyrir „Björgunarskútusjóð Breiðafjarðar“, útgefin 89
 á venjulegan hátt ad mandatum af dómsmálaráðherra 23. júní 1954. 23. júní
 Skipulagsskráin er þannig:

SKIPULAGSSKRÁ

fyrir Björgunarskútusjóð Breiðafjarðar.

1. gr.

Sjóðurinn er stofnaður af Þorbirni Jónssyni og eiginkonu hans Svanhildi Jóhannsdóttur, Mímisvegi 2, Reykjavík.

2. gr.

Stofnfé sjóðsins er kr. 50000.00, sem fyrrnefnd hjón hafa í dag lagt fram að gjöf. Er gjöf þessi innt af hendi í þeirri von, að Breiðfirðingar finni nauðsyn þess, að slíkur sjóður verði til, og reyni að efla hann á allan hátt.

3. gr.

Hlutverk sjóðsins er að stuðla að því, að Breiðfirðingar eignist svo fljótt sem unnt er björgunarskútu, sem einnig hafi landhelgisgæzlu með höndum.